

III. DRUGA PRAVA ČLANOVA VLADE I SAVJETNIKA

Član 21.

(Radni staž i socijalno osiguranje)

- (1) Članovima Vlade i savjetnicima, vrijeme provedeno na radu, u smislu ovog zakona, uračunava se u radni staž.
- (2) Radi ostvarivanja prava iz radnog odnosa, lica iz stava (1) ovog člana, članovi Vlade i savjetnici dužni su Stručnoj službi za zajedničke poslove, dostaviti radnu knjižicu i druge personalne dokumente, u roku od 30 dana, od dana stupanja na dužnost.

Član 22.

(Zdravstvena zaštita)

Za vrijeme provedeno na radu, članovi Vlade i savjetnici, ostvaruju prava iz radnog odnosa kao i pravo na zdravstvenu zaštitu i zdravstvenu zaštitu članova svoje porodice, u skladu sa općim propisima.

Član 23.

(Godišnji odmor)

Članovi Vlade i savjetnici, imaju pravo na korištenje godišnjeg odmora, na način i pod uvjetima predviđenim za državne službenike, a kriterije za utvrđivanje trajanja godišnjeg odmora utvrđuje Komisija.

Član 24.

(Pravo na životno osiguranje od posljedica nesretnog slučaja ili smrti)

Članovi Vlade imaju pravo na životno osiguranje, o čemu odlučuje Komisija.

IV. RJEŠAVANJE O PRAVIMA I OBAVEZAMA

Član 25.

(Donošenje rješenja)

- (1) O pojedinačnim pravima članova Vlade i savjetnika premijera Kantona, utvrđenih ovim zakonom i drugim aktima, odlučuje rješenjem Komisija.
- (2) Protiv rješenja iz stava (1) ovog člana, može se uložiti prigovor Komisiji.
- (3) Rješenje Komisije po prigovoru je konačno.
- (4) O pojedinačnim pravima savjetnika ministra, utvrđenih ovim zakonom i drugim aktima, odlučuje rješenjem ministar.
- (5) Protiv rješenja iz stava (4) ovog člana, može se uložiti prigovor ministru.
- (6) Rješenje ministra po prigovoru je konačno.

Član 26.

(Primjena odgovarajućih propisa)

Za donošenje i dostavljanje rješenja iz člana 25. ovog zakona, primjenjuju se odgovarajuće odredbe zakona kojim se reguliše upravni postupak, a u pogledu rokova primjenjuju se odgovarajuće odredbe federalnog zakona kojima je regulisano rješavanje prava i obaveza državnih službenika.

Član 27.

(Obavljanje personalnih poslova)

Stručna služba za zajedničke poslove obavlja personalne poslove za članove Vlade i savjetnike.

V. PRELAZNE I ZAVRŠNE ODREDBE

Član 28.

(Donošenje provedbenih akata)

- (1) Vlada i Komisija dužni su donijeti akte za koja su ovlašteni ovim zakonom, u roku od 60 dana od dana stupanja na snagu ovog zakona.
- (2) Akti iz stava (1) ovog člana donose se uz prethodno mišljenje Ministarstva finansija.

Član 29.

(Ravnopravnost spolova)

Gramatička terminologija u ovom zakonu podrazumijeva uključivanje oba spola.

Član 30.

(Prestanak važenja zakona)

Stupanjem na snagu ovog zakona prestaje da važi Zakon o plaćama i naknadama funkcionera iz oblasti izvršne vlasti i kantonalne uprave u Kantonu Sarajevo, službenika koje imenuje, odnosno postavlja Vlada Kantona Sarajevo i službenika koji rukovode stručnim službama ("Službene novine Kantona Sarajevo", br. 13/99 i 28/01).

Član 31.

(Stupanje na snagu Zakona)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26166/08

4. septembra 2008. godine
Sarajevo

Predsjedavajući

Skupštine Kantona Sarajevo
dr. Denis Zvizdić, s. r.

Na osnovu člana III.4. Ustava Federacije Bosne i Hercegovine i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 4. septembra 2008. godine, donijela je

ZAKON

O IZMJENAMA I DOPUNAMA ZAKONA O KANTONALNOM TUŽILAŠTVU KANTONA SARAJEVO

Član 1.

U članu 1. Zakona o Kantonalnom tužilaštvu Kantona Sarajevo ("Službene novine Kantona Sarajevo", br. 20/02 i 22/02) riječi: "i privredne prijestupe" brišu se.

Član 2.

U članu 5. stav (2) riječi: "bira i" brišu se, u stavu (3) rečenica: "Glavni tužilac ima najviše dva zamjenika." briše se i u stavu (4) riječ "dva" u prvom redu zamjenjuje se riječima: "više od jednog", a riječ "dva" u drugom redu briše se.

Član 3.

Član 7. mijenja se i glasi:

"Član 7.

- (1) Tužiocu se izdaje službena legitimacija.
- (2) Ministar pravde i uprave Kantona (u daljnjem tekstu: ministar) propisuje pravilnikom obrasce, izgled i način izdavanja službene legitimacije."

Član 4.

Iza člana 7. dodaje se novi član 7a, koji glasi:

"Član 7a.

- (1) Za vrijeme dok učestvuje u postupku suđenja, a po potrebi i u svečanim prilikama po odluci glavnog tužioca, tužiocu nose togu.
- (2) Ministar propisuje pravilnikom korištenje i izgled toge.

Član 5.

Član 10. mijenja se i glasi:

"Član 10.

Tužilaštvo ima pravo i dužnost, u okviru ostvarivanja svojih funkcija, na vlastitu inicijativu ili na zahtjev, obavještavati Skupštinu i Vladu Kantona o provođenju krivičnog zakonodavstva u Kantonu i o radu Tužilaštva."

Član 6.

U članu 12. st. 1. i 2. riječi: "Krivičnog zakona" zamjenjuju se riječima: "krivičnog zakonodavstva".

Član 7.

U članu 14. stav (1) mijenja se i glasi:

"(1) Federalni propisi koji se odnose na državne službenike i namještenike shodno se primjenjuju na službenike i namještenike u Tužilaštvu, ako ovim zakonom nije drukčije određeno."

Član 8.

U članu 14. stav (2) riječi: "Kantonalni propisi o državnoj upravi" zamjenjuju se riječima: "Federalni propisi o organizaciji organa uprave".

Član 9.

U članu 16. riječi: "i privrednih prijestupa" brišu se.

Član 10.

Član 26. briše se.

Član 11.

U članu 28. dodaju se st. (4) i (5), koji glase:

"(4) Jedan primjerak izvještaja iz stava (2) ovog člana Tužilaštvo dostavlja Ministarstvu pravde i uprave Kantona (u daljnjem tekstu: Ministarstvo), koje analizira izvještaj i svoje mišljenje, s prijedlogom zaključaka, dostavlja Skupštini, putem Vlade.

(5) Izvještaj iz stava (2) ovog člana, sa mišljenjem Ministarstva iz stava (4) ovog člana Skupština razmatra najkasnije do 31. marta tekuće godine."

Član 12.

U članu 29. stav (1) mijenja se i glasi:

"(1) Unutrašnja organizacija Tužilaštva utvrđuje se pravilnikom o unutrašnjoj organizaciji (u daljnjem tekstu: Pravilnik Tužilaštva), u skladu sa federalnim propisima o organizaciji uprave i državnim službenicima i namještenicima."

Član 13.

U članu 31. riječ "arhivar" u različitom padežu zamjenjuje se riječju "sekretar" u odgovarajućem padežu, a u stavu (3) riječi: "najmanje 2 godine odgovarajućeg iskustva u oblasti prava" zamjenjuju se riječima: "najmanje pet godina radnog staža u oblasti prava".

Član 14.

Ministar je dužan donijeti pravilnike iz čl. 7. i 7a. ovog zakona u roku od 30 dana od dana stupanja na snagu ovog zakona.

Član 15.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26167/08
4. septembra 2008. godine

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu čl. 13.b. i 18.b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) člana 57. stav 3. Zakona o zdravstvenoj zaštiti ("Službene novine Federacije BiH", broj 29/97), člana 10. stav 1. Odluke o osnivanju Javne ustanove Zavod za javno zdravstvo Kantona Sarajevo ("Službene novine Kantona Sarajevo", broj 4/99 i 30/07), i člana 161. stav 4. Poslovnika Skupštine Kantona Sarajevo ("Službene novine Kantona Sarajevo", broj 12/05-Prečišćeni tekst i 7/08), Skupština Kantona Sarajevo, na sjednici održanoj 4. septembra 2008. godine, donijela je

ODLUKU

O DAVANJU SAGLASNOSTI NA ODLUKU O
IZMJENAMA I DOPUNAMA STATUTA JAVNE
USTANOVE ZAVOD ZA JAVNO ZDRAVSTVO
KANTONA SARAJEVO

I.

Daje se saglasnost na Odluku o izmjenama i dopunama Statuta Javne ustanove Zavod za javno zdravstvo Kantona Sarajevo, broj 01-01-1252-1/08 od 28.05.2008. godine.

II.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-26172/08
4. septembra 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu člana 57. Zakona o zdravstvenoj zaštiti ("Službene novine Federacije BiH", broj 29/97), člana 10. Odluke o osnivanju Javne ustanove Zavoda za javno zdravstvo Kantona Sarajevo ("Službene novine Kantona Sarajevo", broj 4/99 i 30/07), te člana 27. i 55. Statuta Javne ustanove Zavoda za javno zdravstvo Kantona Sarajevo, Upravni odbor Javne ustanove Zavod za javno zdravstvo Kantona Sarajevo na sjednici održanoj 28. maja 2008. godine, uz saglasnost Skupštine Kantona Sarajevo ("Službene novine Kantona Sarajevo", broj 30/08), donosi

ODLUKU

O IZMJENAMA I DOPUNAMA STATUTA JU ZAVOD
ZA JAVNO ZDRAVSTVO KANTONA SARAJEVO

Član 1.

U Statutu Javne ustanove Zavod za javno zdravstvo Kantona Sarajevo, broj 01-01-1326/00 od 02. novembra 2000. godine (u daljnjem tekstu: Zavod), na koji je Skupština Kantona Sarajevo dala saglasnost ("Službene novine Kantona Sarajevo", broj 19/00 i 4/02), u članu 2. Statuta iza riječi ("Službene novine Kantona Sarajevo" broj 4/99"), dodaje se "i 30/07".

Član 2.

U članu 5. Statuta Javne ustanove Zavod za javno zdravstvo Kantona Sarajevo (u daljnjem tekstu: Statut), iza riječi: "pod nazivom", dodaju se riječi: "JAVNA USTANOVA".

Član 3.

U članu 9. stavu 1. Statuta Zavoda, riječi: "Zavod za javno zdravstvo Kantona Sarajevo" brišu se, te umjesto istih treba da stoje riječi: "J.U. ZAVOD ZA JAVNO ZDRAVSTVO KANTONA SARAJEVO", napisan na latinici i ćirilici".

Član 4.

U Statutu, član 19. mijenja se i glasi:
"Zavod ne može vršiti statusne promjene (promjena naziva, sjedišta, djelatnosti i druge promjene utvrđene zakonom) bez saglasnosti Skupštine Kantona Sarajevo (u daljnjem tekstu: Osnivač)".

Član 5.

U članu 27. stavu 1. alineja 6. Statuta mijenja se i glasi:
"- Donosi Pravilnik o radu i Pravilnik o unutrašnjoj organizaciji i sistematizaciji radnih mjesta, na koje saglasnost daje Ministarstvo zdravstva Kantona Sarajevo i druge opšte akte, ukoliko ovim Statutom nije utvrđeno da određene opšte akte donosi neki drugi organ".

Član 6.

Iza člana 27. Statuta dodaje se novi član 27a koji glasi: